



SPRITZER + FUHRMANN



Diario pa



Aruba



## GENARO WERLEMAN TA SALVA SENJORA FOR DI UN POS DI 15 METER

PIEDRA PLAT, 4 jan. — Sr. Genaro Werleman diarazon anachi tabata e heroe di Piedra Plat, ora cu el a duna su mes como voluntario pa saca un dama hoben cu a cai den un pos di 15 meter. Jen di confianza den e polisnan cu tabata asistieles y cu fe den Dios, Genaro a laga su mes baha na un cabuya den e poshundu pa salba e dama cu tabata drumi na fondo di epas, cu afortunadamente no tabatin honi awa aden, incanciente y cu un herida grandi na su cabes. Despues di tres cuarto di ora jen di ansia e senjora C.C. tabata ariba atrobe y un bes a worde transporta pa San Pedro Hospital cu ambulance.

Banda di muelor y mei polis di Oranjestad a worde informa cu un senjora a cai den un pos banda di e santana di protestant na Piedra Plat. Inmediatamente e cuerpo di polis a cuminsa un accion di rescate completo. Opperbrandmeester N. A. G. Vermeer a pira pa e lugar di desgracia cu un auto di brandweer, mientras tambe e auto di brandweer di Santa Cruz a sali unbes. Na e sorto di accidentenan aki e auton di brandweer cu ta equina cu tur sorto di herment manera cabuya luznan fuerte, piki etc. ta mas adecuado cu e auton normal di polis.

Ora cu polis a puntra ta ken kier a drenta e pos voluntariamente pa saca e senjora di 25 anja, un mama di tres jiu y segun nan a informa sperando su di euter, sr. Genaro Werleman a duna su nomber sin hesita un momento.

Cu un salvabida rond di su cintura y un cabuya largu untra na djé el a baha den e buraco chikito di mas o menos 50 centimetri cuadrá.

Aunque e pos tabata bira poco mas hanchu abao, e biha tabata hopi peligroso. Poco-poco e polisnan a baha den e pos, judá pa e mironesnan. Cada

### EXPLOSION DI GAS NA SAN FRANCISCO

SAN FRANCISCO, 4 jan. — A consecuencia di un explosion di gas un cas na San Francisco a keda completamente destrui.

Entre e miembronan di brandweer cu a bini pa duna yudanza un a muri, y tabatin diferente herido.

### MR STIKKER ATROBE DI BIAHA

BONN, 4 jan. — Sekretaris general di NAVO, a wordu spera avera nochi na Bonn, caminda e lo delibera durante dos dia cu consiller federal Adenauer y otro funcionarioman altu. Ta trata akinan, segun un anuncio oficial di un bishita normal di tra bao.



Na ocasion di Anja Nobo gezaghebber interino I. S. de Cuba y sra. a tene un reception bon concurren den Club Caribe. Un di e hopinan cu a bin presenta su mehor deseonan ta S. E. ministro E. O. Petronia, kende nos ta mira riba e foto huntu cu sra. De Cuba. Den centro sr. I. S. de Cuba.

E respondí cu el a grita pa ariba a kibra e tension grandi entre e presentenan. E caranan di e hombernan cu tabata hala e cabuya a bira mas serio y pasobra awor no tabata kestion di un hende morto pero un hende gravemente herida cu nan mester a hala ariba cu hopi cuidao.

Despues cu Genaro a logra di mura e salvabida na curpa di e senjora y mara e cabuya na djé, Genaro y e senjora tur dos na cabuyanan diferente a worde hala ariba, cuidadosamente. Tur dos pareu pa asina Genaro por a keda pega cu e dama y percura pa esaki no dal contra di e muraya di pos.

Tabata un biha largu y tensioso. Masha poco poco nan tabata subi. Ora cu nan a jega ariba, nan mester a laga Genaro baha un poco atrobe pa saca e victima prome. Despues di e manobra aki, e salvador curasioso a sigi. Papa mulu di e transpiracion y morio cansa di e tension, pero a la vez contento y feliz, pasobra el a cumpli cu su deber di voluntario, y a salba un bida humano.

E tapa a bolbe bai riba e pos e luznan a worde paga, e publico tabata bol e pa nan cas y e silencio a bolbe riba e paisahe ketu na Piedra Plat.

Tambe Genaro a bolbe pa su cas. El a bira un heroe.

### Na bida ainda

Genaro Werleman a jega sano abao, y pa su alegria a constata cu e senjora ainda tabata hala rosa.

## President Directeur di KLM ta tuma retiro

DEN HAAG, 4 jan. — Drs. E. van der Beugel a tuma retiro como president director di KLM, cu fecha preme di april awor, asina e corant Hulandes „Volkskrant“ ta anuncia.

E motibu principal di e retiro aki parece ta un rapport di e oficina Mericano di eficiencia „MacKinsey“, cu riba peicion di KLM a duna su opinion y conseho tocante organisacion d e empresa aerea.

Segun informenan a resulta for di e rapport cu direccion di e compania no tabata masha di aki te aya den ultimo anjanan.

Mas despues nos a informa cu senjor Van der Beugel a hanja cu e mester pidi su retiro na interes di e compania.

Ir. F. Bensacon, president director interino, lo keda temporalmente en cargo cu e puesto di president director.

Na Schiphol prof. P. Liefinck, miembro di e conseho di comisarioman, a bisa tocante retiro di president

director di KLM drs. Van der Beugel, e actualmente nan a tuma desicionnan.

Actualmente mi ta regresa pa e fondo monetario na New York. Ayera nochi o pa mas laat awe nan lo saca di conseho di comisarioman o di KLM un comunicado di e reunion. El a ninga di duna mas participacionnan di e deliberacion, pero si el a contesta e pregunta cual ta su vision personal riba e posibilidnan den futuro di KLM.

Sin duda lo tin por lo menos algun anja cu dificultadnan grandi, pero ta inhusto pa pensa, cu KLM lo wordu disolve. Si tin progreso den intencion pa realisa mas cooperacion internacional den aviasion y si nan tuma e medidanan necesario na KLM, e ora ey mi no ta mira futuro masha sombrio,” segun prof. Liefinck.

Ayera nochi nan a participa cu e conseho di comisarioman a acepta e retiro di senjor Van den Beugel. Te ainda e reunion no a termina.

E conseho di comisarioman di KLM a participa, cu drs. E.H. van der Beugel a dicidi pa retira di su puesto como president director y miembro di e directiva di e compania. E conseho ta kere cu nan mester respecta e desicion aki y nan lo propone e asamblea general di accionistanan dia 31 di maart proximo, pa concede e retiro riba e manera mas honroso y cu gratitud special pa e bon servicionan cu el a muestra KLM. Senjor Van der Beugel a hanja for di ayera venia, pa sosega, local ta un conseho di docter. Den curso di otro siman e conseho di comisarioman lo duna mas informacion tocante composicion di e directiva. E president comisario, dr. ir. F.Q. den Hollander, lo tuma temporalmente e puesto di president di e reunionnan di directiva.

### TEMPU NA HULANDA

DEN HAAG, 4 jan. — Ta dificil pa na Hulanda keda na altura di influencia di tempa riba camindanan, ciudadnan y pueblonan.

Si ayera mainta trempa camindanan den zuid di Hulanda tabata masha malu pa auto corre, awor ta parce cu e situacion a mehora.

Pero awor ta hini noticianan for di den noord di Hulanda cu evnan ta bira mas y mas dificil pa autonnan corre riba e camindanan. Y nan ta sperando mas ijel y sneeuw den noord.

Tambe e riunan ta birando peor pa bapornan pasa. Siete remolcador cu equipo especial pa kibra ijs ta trata den cercaña di Dordrecht pa tene e riu Merwede abri door di manda e ijs pa laman, pero e riu ta cera mas y mas.

Lanchanan a stop di corre riba e riunan. Na Oist nan a traha un caminda pa cruza e riu IJsel na pia door cu esey a vries bira duru duru

### NOTICIANAN DI POLIS

#### Pelea den bar

SAN NICOLAAS. — Den un bar na San Nicolaas tabatin pelea diarazon atardi pa cuarto pasa di tres, entre e bartender P. contra e dos rumannan K. Parce cu e dos rumannan a ataca e cantinero, kende e ora ey e defende su mes cu un pida hero. Un di e rumannan a hanja asina tanto sla cu e pida hero tras di cabes cu e mester a worde transporta cu ambulance pa San Pedro Hospital, cu unda el a keda tambe.

E bartender y e otro ruman K., kende probablemente tabata bai di influencia, a bai den cel.

#### FATUM — Tel.: 1845 pa tur ba aseguranon

#### Salbo na tempu

ORANJESTAD. — Un persona a informa polis cu riba tamar na hal tura di e pier na Eagle tabatin un boto chikito den dificultad. A resulta cu mas o menos 200 meter pafor di costa tabatin un boto chikito ta drief for di cual nan a mira un hende ta



E aeroplano aki ta esun cu diarazon atardi a baha na aeropuerto. E tin e numeronan di registracion PJ-CLB y ta pertenece na un compania di aviasion cu parce recientemente lo a worde fundado na Corsow. Na aeropuerto no tabata posibel pa nos hanja number di e compania na enal e aeroplano ta pertenece y mes misterioso cu el a bini e aeroplano a bulbe segun su rumbo.

zwaai cu un pida panja. E boto di loads a sali y a trece e boto na terra atrobe. Den die tabatin e caballero A. y W. Causa di tur esaki, tabata cu e motor „outboard“ di e boto a danja.

#### A perde

Tarcisio Geerman di Tanki Leender 149 a perde su oloshi di anjo di plata. E oloshi tin un banchi di plata y ta di marca „Universal“. El a perdele probablemente na Malmok.

Modesto Ruiz, di Moko 15, a perde un cartera di cuero color maron, conteniendo fls. 60.

### EHERCITO SECRETO TE AINDA TA ACTIVO

PARIS, 4 jan. — Te ainda e organisacion ilegal di ehercito secreto, cu a lucha den e guerra na Argelia, ta activo, y naq fines di mas importancia ta mata De Gaulle. Asina Alain Peyrefitte, minister Frances di informacion a anuncia ayera.

Minister interino Roger Frey, a participa ayera na un reunion di e conseho ministerial, cu 70 por ciento di e atakenan, a wordu cometi e delator tempunan aki na Francia, y nan ta traha di miembronan di ehercito secreto. Segun e minister nunca nan a desarme ni Ehercito Secreto ni e conseho nacional di oposicion, cu a wordu lanta despues di e acuerdo di armisticio, y cu ta dirigi pa ex prome minister Bidault.



Unico cargamento cu e avion PJ-CLB cu a baha diarazon atardi na aeropuerto tabatin abordo tabata un auto Volkswagen C-4836 di sr. Tawa Yrausquin, hefe di Antilliaanse Luchtvaart Dienst. E auto o bini for di Corsow y asina cu e avion a caba di baha e piloto mericano R. L. Brown, a coge rumbo pa Miami cu e aeroplano.

### SAOEDI ARABIA

WASHINGTON, 4 jan. — Ministerio Mericano di exterior a participa, cu e gobierno di Republica Arabe Uni a expresa nan preocupacion tocante e recien bombardeo di e oase Najran di Saoedi Arabia door di avionnan Egypto cu ta staciona na Jemen. Gobierno di Egypto a contesta cu e lo haci su best pa evita repeticion di

tal atakenan pafor di e frontera di Jemen.

Radio Cairo a anuncia ayera, cu segun un noticia di Radio Mekka na Saoedi Arabia nan a proclama un mobilisacion general, pa warda e seguridad interino y tambe pa miedu pa agresion di exterior.

E principe heredero, Faisal, prome minister di Saoedi Arabia lo proclama e mobilisacion, segun Radio Cairo.

## Uw lievelingszeep zeer voordelig!

Lux, Uw toiletzeep. Zo zacht en zuiver... zo vertrouwd. Lux is nu bijzonder voordelig. Bij aankoop van 3 tabletten Lux Toiletzeep krijgt U er één gratis, 4 tabletten Lux bijéén in een fleurig pakketje van 4 mooie kleuren.



## Arubaanse Courant

la busca

PA PRONTO EMPLEO

### (Leerling) Verslaggever

ta exigí:

- \* interes pa periodismo
- \* bon educacion general
- \* conocimiento di popiamento pa scribi y papia.
- \* Conocimiento di hulondes preferible pa scribi tambe, ingles.
- \* Bon apariencia.
- \* no menos cu 25 anjo di edad.

APLICACION EXCLUSIVAMENTE POR ESCRITO.

na direccion di e corant aki, Nassaustraat 85, Oranjestad.

Un profesion interesante cu bon perspectiva ta ser ofreci.



# Situacion na Katanga

**LEOPOLDSTAD, 4 jan.** — Segun fuentenan cu generalmente ta bon na altura nan a habri e esclusanan di e dam cu ta wanta awa pa traha energia pa e instalacionnan di Union Miniere na Jadotstad, como medida preventivo pa un eventual destruccion di e instalacionnan.

Parce cu e funcionarioman local di e companianan minero parece a dindi ayera nochi, cu nan lo destrui e instalacionnan, por lo completo si nan hanja esey necesario.

Nan a habri e esclusanan pa laga e awa den e laga baha y asina evita inundacionnan serio.

Segun informenan e prome miñtarnan di India a yega den ceremonia di Jadotstad, pero sin trahera bina da, pasobra e bruz di emergensia cu nan kier a pone riba e rio Loefra no a yega ainda.

Segun informenan e prome miñtarnan di India a yega den ceremonia di Jadotstad, pero sin trahera bina da, pasobra e bruz di emergensia cu nan kier a pone riba e rio Loefra no a yega ainda.

Gendarmeria di Katanga a dindi lo defende e ciudad awa pa awa. Por lo demas den e ciudad mes tin eista ta tranquil mescos cu na Elisabethstad.

Un unidad Sueco bledi a conquistayera e central di electricidad di Kibloebi na caminda pa Kabongo.

E central ta funciona bina. Pa traherlan fue di Nacionnan Uni e si for di Kamina na poblacion den vecindario di e base di Nacionnan Tres gendarmeria di Katanga a wordo cehe presi.

President Chombe a repiti ayer su amenaza di destruccion to el si e trupanan di Nacionnan Uni sigi cu nan marcha pa Jadotstad. Asina noticianan ricibi for di Katanga na Salisbury ta bisa.

President Chombe a declara cu e trupanan lo resisti te na fin contra e soldanan di Nacionnan Uni cu e marchando den direccion di Jadotstad.

Segun un noticia na radio nan lo destrui si ta necesario tur instalacionnan di e compania minero. Unio: Miniere du Haut Katanga asina nan a bisa den e noticia.

Observadornan diplomatica ta di opinion, cu Oe Thant a nenga di negocia cu Chombe, pasobra e ta pusi cu Katanga lo no wordo tene na Kongo sin aprobacion di Chombe.

Un periodista Ingles y dos Merica-

## PERD'ANAN GRANDI DOOR DI HUELGA

**NEW YORK, 4 jan.** — Den circulacion Mericano di navegacion nan a informa cu e welga den hafnan oriental di Merca a trece perdanan den henter e pais di segun calculo mas o menos 200 million dollar.

Segun informenan e intermediadornan federal a reuni cu negociacionnan di e companianan di navegacion y delegadonan di e federacion di obrero. Segun informenan e intermediadornan tabata optimista tocante un posible arreglo di e conflicto riba termino cortico.

## PRINSES BEATRIX LO BAI MERCA Y HAPON

**DEN HAAG, 4 jan.** — Antke cu ainda no a bini un confirmacion di banda oficial, nan ta acepta, cu su Alteza Real Prinses Beatrix tin intencion pa e anta aki mes hael e bishita di seis dia cu e tabata pa haci luna pasa na Japon.

Ademas e prinses tabatin e plan pa hael un bishita estrictamente priva na Merca y Hawaii y tambe Canada.

Di mente generalmente bon na altura nan ta informa, cu e bishita priva aki tambe lo sigi. Servicio informativo di gobierno na Hulanda no kier a desmentir ni confirma e noticia aki.



Di e manera aki un homber di color a demostra algun dia posa na Durban na Sur Africa contra di separacion racial.

Na Amsterdam a tuma lugar e debut di un pelicula noba hulandes titula „E Asalto” y cu ta trata di e liberacion di prisioneronan den tempo di guerra. Despues di e prome funcion oficial diferente colaboradornan a wordo alaha. Aki nos ta mira di r. pa dr. L. de Jong cu a scribi e scenario, e actriznan Yoka Beretty, Ruth Schagen y e actornan Rob de Vries, y Kees Brugge, regisor Paul Rotha y productor Rucolph Meyer.

## E KESTION CUBANO

**NEW YORK, 4 jan.** — E deliberacionnan largu entre Merca y Union Sovietica, tocante e kestion Cubano a wordo continua ayera na New York. E vice minister Ruso di relacionnan exterior, Koznetsov tabatin reunion cortico cu e representante especial di president Kennedy na e negociacionnan ey, McCloy.

E punto mas principal di e negociacionnan aki, tabata e control riba retiro di e rakeman Ruso for di Cuba, en cambio pa un promesa di Merca pa no invadi Cuba.

Despues di e reunion di ayera un portavoz Mericano a-bisa cu nan ta hopi cerca di fin di e deliberacionnan.

Koznetsov despues a duna secretario general un relato di e progreso nan cu nan a logra den e negociacionnan aki.

# YABI pa bo exito!

FRESH UP with awor embotella na **VICTORIA BOTTLING CO.**

Pa tur material di construccion, cement, liern, asbest, tubu galvaniza etc. **Antillian Hardware Co.** Tel. 1622 - 2664 (dilanti hospitaal).

## PERSPECTIVONAN ECONOMICO PA MERCA

**SAN FRANCISCO, 4 jan.** — Banco di Merca ta bisa den un participacion tocante e perspectivonan pa Merca, cu mei mei di e anja aki nan ta lo tin un recession, of mester bini un rebaho considerable pa inkomstebelasting federal.

Gobierno di Kennedy a declara cu e congressa nobo lo duna preferencia na un rebaho di belasting riba tur lifia.

Banco di Merca ta bisa, cu sin rebaho di belasting especialmente e meyoracion di e gastunan di consumadornan lo trece un recession.

## ENTREGA DI KROONDUIF NA NIEUW GUINEA

**DJAKARTA, 4 jan.** — Cu fecha prome di januari e sucesoral di KEM na Nieuw Guinea, „Kroonduif”, a wordo entrega oficialmente na „Garuda Indonesian Airways”. For di prome di januari „Garuda” ta percura pa e vuelanan na Nieuw Guinea, cu antes tabata na encargo di Kroonduif.

## TEMPU DI INVIERNO NA BELGICA

**BRUSSEL, 4 jan.** — Den ultimo anochi Belgica tabata cubri cu ijs. Un awacera cu a cuminsa djes, prome cu mei anochi a bira ijs y a paralisa trafico practicamente completo.

No solamente e camindanan principal, pero tambe e boulevardnan y caryanan den ciudad y pueblonan tabata asina peligroso cu tabata imposibel pa auto corre ariba.

Na Brussel automobilistanan cu no kier a sigi e consehonan na radio na laga auto na eas a causa hopi danjo den canyana cu ta na bahada of subida di seru.

## REBAHO DI DISCONTO INGLES DI BANCO

**LONDEN, 4 jan.** — Cu entrada inmediato nan a rebaha ayera e descuento Ingles di Banco cu mei porciento te 4 porciento.

„Un hosero di e „Bank of England”, a participa, cu e rebaho tin relacion cu e situacion economico interno, y cu e ta den acuerdo cu e posicion fuerte general di libra esterlina riba wisselmarkt.

Esaki ta un portret di e desgracia di ferrosaria cu a tuma lugar paca dia pasa na Inglaterra y den cual 17 hende a perde nan vida. Un trein a corre dal den un otro cu tabata para.

## TABLA y BIGA

den tur \* sorto \* midi \* calidad

den gran cantidad

No tin lugar cu por bati prijs, servicio y calidad di **ARUBA TRADING CO.**

## BOTICA ARUBA "TIN TUR COS"

1. Personal gradua competente
2. Maquinaria ultra moderno pa despacho rapido y higienico.
3. Entrega di receipt sin tardanza y sin cobra absolutamente NADA EXTRA pa servicio.

## PREAH VIHEAR

**PNOM PENH, 4 jan.** — E hefe di esado na Cambodia, Prins Norodom Sihanouk, diasabra awor lo bolbe tuma e bloque di tempelan na Preah Vihear oficial den posesion pa su pais. Manera ta concel corte internacional di justicia na Den Haag a stipula anja pasa cu e tempel ta pertenece na Cambodia.

## DESGRACIANAN NA MERCA DURANTE PASCU Y CAMBIO DI ANJA

**CHICAGO, 4 jan.** — Mas di mil ciudadano mericano a muri durante desgracianan cu a sosode den tempu di Pascu y anja nobo na Merca.

Esaki nan tur tabata victimanan di trafico mientras cu tabatin 400 morto mas a consecuencia di candela y otro desgracianan.

## TELSTAR TA TRAHA ATROBE

**WASHINGTON, 4 jan.** — E satellite Mericano di comunicacion „Telstar” cu for di 23 di november no ta funciona como consecuencia di radiacion di pafor, a bolbe reaciona ayera riba signalnan cu nan a manda for di terra.

Despues di e exito aki nan a dindi pa transmiti awe via Telstar un conferencia di prensa, tocante e satellite aki for di Merca pa stacionnan Europeo. E transmisionnan aki ta stipula na mitar di diez di mainta fora di Antillas.

## TA BUSCA

Un persona pa trabou di cas, cushina y tambe pa keda drumi, cushina estilo americano. Salario cualifica.

Pa inf: Janna R. L. NELSON Tel. 3066 (eas) Despues di 5'or nan. of Tel. 1891 (ext. 98) for di 7'or nan. - 5'or nan.

## BISTI BO JIUNAN COMFORTABLE

semper nos tin un gran surtido di bistir adecuado

pa bai school, pa bisti na cas pa beach y pa tur ocasion.

Tambe sapatu, keds etc. y.... naturalmente na prijsnan masha atractiva.

**La Linda**

## PA TUR ARTICULO DI CAS

lemon squeezer, strainer, can & bottle opener

- y tur FORMA PA BOLO,
- WEA di aluminium y di heru, y
- tur otro cos pa CUSHINA.

**ACME STORE**  
TEL. 5381 - 5384

## GUEST ROOMS SOLICITED

For further information call **THE ARUBA TOURIST BUREAU** Phone 1764

## CISCO KID presenta pa cortesia di ARUBA BOTTLING COMPANY e promer fabrica di refresco na Aruba, cu e produccionan mas gusta y mas pidi. NESBITTS e refresco sin igual.

1. „Bo a tira ma-ba ijs e cuadro? E otro ta hui!” „E otro no ta Cisco ta un muher!” 2. „Na laga Cisco scapa!” 3. „A mi no scapa senor!”



## PEPITA Antillian Hardware Co

E mehior adres pa VERF, KWASHI, TUR CLASE DI HERMENT, articulos sanitario,

1. „Mi ta bisa e nochi nan trankil den e cas aki!” „Mi tambe!” 2. „Pasa mi ren casa?” 3. „Hende mi, cu e e palabra trankil den e cas aki!”



# OFERTA SENSACIONAL

pa tur nos

Abonadonan

y

HENTER ARUBA



Arubaanse Courant ta ofrece:

## 1. 4 LUNA GRATIS SUBSCRIPCION

pa tur abonadonan nobo cu cuminsa tuma corant e luna aki y cu paga nan corant pa henter anja 1963 delanta.

KIER MEEN: NA LUGAR DI PAGA 12 LUNA x Fl. 3.25 ta Fl. 39.- BO TA PAGA

**SOLAMENTE FLS. 26.- PA HENTER ANJA**

## 2. 2 LUNA GRATIS SUBSCRIPCION

na tur abonadonan nobo, cu cuminsa tuma corant e luna aki y cu paga nan corant un vez pa luna. E abonadonan aki lo haya nan corant GRATIS durante e lunanan Januari y December 1963.

## 3. 1 LUNA GRATIS SUBSCRIPCION

na tur nos abonadonan actual cu paga pa henter 1963 adelanta. NAN TA PAGA ANTO SOLAMENTE 11 x Fl. 3.25 ta Fl. 35.75

**ABONA RIBA:**

- E UNICO DIARIO na mundo cu ta ser sribi na papiamento.
  - E UNICO DIARIO cu ta exclusivamente interesa den Aruba.
  - E UNICO DIARIO cu ta ofrece bo solamente e noticianan cu ta interesa bo: noticianan di Aruba.
  - E UNICO DIARIO cu tin mesun interes pa campo cu pa ciudad.
  - E CORANT cu ta tene bo mihor na altura di loke ta na venta den e paensnan di Aruba.
  - E CORANT cu bo ta weta lira mihor tur dia.
  - E CORANT cu e strip mas lesa di mundo: Pepita y cu otro stripnan famoso manera Cisca Kild, Dick TRACY, Rip Kirby, y Buchi Robez.
  - E CORANT cu e mihor novelanan di Antias.
  - E CORANT cu exclusivamente colaboradonan local di primera clase, manera Sr. Herman Kuiperi (deporte) y sr. Ad Stenzen (musica).
  - E CORANT cu tambe ta juda bo cu bo problemanan personal, den e columna semanal „Correo Confidencial“.
- E corant cu a gana confianza di henter e comunidad di Aruba den su 23 anja di existencia y lo haci tur cos pa no perde e confianza aki.

ATENCION : Subscripdonan por duna number na tel. no. 2116 y 1116 of cerca nos cobradonan y muchanan di corant!

E mehor amigu di bo familia ta

NATURALMENTE

# ARUBAANSE COURANT



